



CONVENIO DE COLABORACION ENTRE A S.A. DE XESTIÓN DO PLAN XACOBEO E A ASOCIACIÓN COMUNICADORES DO CAMIÑO DE SANTIAGO

En Santiago de Compostela, a 24 de outubro de 2016

INTERVEÑEN

Don Rafael Sánchez Bargiela, en nome e representación da sociedade mercantil Sociedade Anónima de Xestión do Plan Xacobeo, con CIF- A-1534838, constituída en 13 de novembro de 1991, con domicilio social en Avda. de Fernando de Casas, nº 38, Pavillón de Galicia, Santiago de Compostela e inscrita no Rexistro Mercantil da Coruña no Tomo 923 Folio 93 Folla Número - 2.655, representación que ostenta na súa calidade de Director–Xerente.

Don/a _____ en nome e representación da Asociación Comunicadores do Camiño de Santiago con enderezo na rúa Chago Rego 8-10 C.P 15705 de Santiago de Compostela na súa calidade de Presidente da Asociación.

MANIFESTAN:

PRIMEIRO

Dentro do obxecto da Sociedade encontrase as seguintes finalidades:

- As relacións coas asociacións de amigos do Camiño de Santiago.
- A coordinación de actuacións específicas relacionadas coa cultura xacobeá, en especial, as exposicións, así como a execución das encomendas de xestión que se poidan realizar nestas materias

SEGUNDO

Asociación Comunicadores do Camiño de Santiago ten no seu obxecto social como principais fins :

- Coordinar o traballo dos profesionais de todo tipo que desempeñen a súa función nos medios de comunicación e que amosan unha sensibilidade especial polo Camiño de Santiago.
- Colaborar con outras entidades semellantes de outras comunidades autónomas e sen excluír de outros países, sempre e cando teñan o Camiño de Santiago como o seu eixe de actuación.
- Impartir conferencias sobre o Camiño de Santiago
- Promover todo tipo de publicacións sobre o Camiño de Santiago.

TERCEIRO

A colaboración da S.A. de Xestión do Plan Xacobeo, que ten encomendada a coordinación da cultura xacobeá, en actividades como a da Asociación Comunicadores do Camiño de Santiago supón un beneficio para ámbalas dúas partes



En virtude do anteriormente exposto acordan celebrar o presente convenio que se rexerá polas seguintes,

CLÁUSULAS

PRIMEIRA.- OBXECTO

O obxecto do presente Convenio é o establecemento das condicións polas que se rexerá a colaboración entre a S.A. de Xestión do Plan Xacobeo e Asociación Comunicadores do Camiño de Santiago, para desenvolver un programa conxunto encamiñado a realización das seguintes actividades:

1.- Primeira fase: Promoción do Camiño Inglés en Gran Bretaña co fin organizar na cidade de Durham a recuperación da histórica peregrinación entre a abadía de Finchale e esta cidade. Para iso, ademais de percorrer o Camiño Inglés e inspeccionar a traza proposta polas autoridades británicas, están previstas entrevistas con todos os estamentos implicados:

- a/ Universidade, que designou á profesora Penelope Johnson como representante para este proxecto.
- b/ Concello. As entrevistas están fixadas coa alcaldesa e co propio Brian Stoming.
- c/ Igrexa anglicana. Nesa ocasión, pecharase un acordo polo cal enviarán varios representantes á peregrinación, que será recibida na catedral ao remate.
- d/ Medios de comunicación. Para os últimos dous días están previstos por Brian Stoming outros tantos encontros con representantes de medios de comunicación locais e do condado para presentar a peregrinación.

2.- A segunda fase a realizar pola Asociación prevista para xuño é a realización da peregrinación, convidando amais a representantes das universidades de Lancaster, Leicester e Southamton (o principal porto de embarque de peregrinos para o Camiño Inglés nos séculos XIV e XV).

Este convenio cumpre cos criterios obxectivos de selección sinalados no Plan Estratéxico para o ano 2016 e non resulta posible a concorrencia competitiva, polas especiais características da entidade coa que se convenia, polas accións continuadas no marco da promoción do Camiño Inglés con diversos estamentos de Gran Bretaña na que levan traballando dende o ano 2012.

SEGUNDA.-ORZAMENTO E FINANCIAMENTO

O Orzamento estimado para a execución das accións ascende na súa totalidade a 8.500 euros distribuídos do seguinte xeito :

Desprazamentos en avión a Gran Bretaña (dúas viaxes, total 11 días) e no interior, indo dende Londres en dúas ocasións a Durham. Inclúe desprazamentos ao e desde o aeroporto galego.	2.000,00
Hoteis	1.800,00



Manutención	1.300,00
Impresión de material	500,00
Gastos derivados dos contactos a manter nesas universidades e cidades, entrevistas	400,00
Gastos varios, incluíndo tarifas de aparcadoiros, posibles taxis, peaxes, teléfono, copias de informes a entregar, etc	500,00
Honorarios por conferencias, redacción de informe para las universidades e concellos, tradución, asistencia a actos concertados coas universidades e concellos	2.000,00
Total	8.500,00

A achega que fai a S.A. de Xestión do Plan Xacobeo para posibilitar a realización das actuacións é de 6.000 euros.

A S.A. de Xestión do Plan Xacobeo procederá ao pagamento dos gastos correspondentes, unha vez que a Asociación presente a documentación xustificativa disposta na cláusula sétima deste convenio.

Ditos gastos rexistraranse na conta 627 do P.G.C e o devandito crédito financiaranse con cargo aos orzamentos aprobados desta S.A. de Xestión do Plan Xacobeo para o ano 2016, recollido na partida orzamentaria correspondente ás subvencións á explotación (Capítulo IV) con número de aplicación: 201604A2761A441.11.

A S.A. de Xestión do Plan Xacobeo procederá ao pagamento dos gastos unha vez que a Asociación presente a documentación xustificativa disposta na cláusula sétima.

A Asociación achegará medios materiais, recursos humanos e técnicos precisos para a realización de tódalas, actividades.

Se o importe dos gastos xustificados fora inferior ao importe do orzamento total previsto para a realización das actividades que constitúen o obxecto do convenio, e que se recolle na memoria económica que se achega co presente convenio, a aportación desta S.A. reduciríase en dito custe.

TERCEIRA.- OBRIGAS DA ASOCIACION :

Por este convenio de colaboración a Asociación obrígase a:

- Promoción do Camiño Inglés en Gran Bretaña
- Organización entra a Abadía de Finchale e a cidade de Durham dunha peregrinación que recupera a tradición perdida hai 500 anos.
- Levar a cabo as actuacións obxecto deste convenio, así como executar o orzamento previsto na cláusula anterior.
- Incluír, en toda a documentación ou soportes empregados os símbolos distintivos da S.A. de Xestión do Plan Xacobeo ou aqueles designados pola mesma
- Achegar a información que lle sexa requirida pola Intervención Xeral da Comunidade Autónoma, o Consello de Contas e o Tribunal de Contas no exercicio das súas funcións de control do destino do investimento.
- Comunicar á S.A. de Xestión do Plan Xacobeo a obtención de outras axudas, subvencións, ingresos ou recursos que financien a actividade procedentes



de calquera administración ou entes públicos ou privados nacionais ou internacionais. Esta comunicación deberá efectuarse tan pronto como se coñeza e en todo caso, con anterioridade á xustificación da aplicación dos fondos recibidos.

- Presentar os certificacións de atoparse ao corrente no cumprimento das obrigas tributarias ou fronte á Seguridade Social e de non ter pendente de pago algunha outra débeda coa Administración Pública da Comunidade Autónoma, así como unha declaración responsable de non estar incurso en ningunha das prohibicións para obter a condición de beneficiario, establecidas no artigo 10 da Lei 9/2007, do 13 de xuño, de subvencións de Galicia, de conformidade co disposto nos artigos 10 e 13 do Decreto 11/2009, do 8 de xaneiro, polo que se aproba o Regulamento da Lei de subvencións de Galicia.

CUARTA.- OBRIGAS DA S. A. DE XESTIÓN DO PLAN XACOBEO

A S.A. de Xestión do Plan Xacobeo obrígase a realizar unha achega de 6.000 euros para a realización das actuacións previstas neste convenio

QUINTA.- COMPATIBILIDADE

A achega económica prevista neste convenio será compatible con outras, axudas, subvencións ingresos ou recursos para a mesma finalidade, procedentes de calquera Administración ou entes públicos ou privados, nacionais, da Unión Europea ou organismos internacionais.

En ningún caso o importe das achegas as que se refire o parágrafo anterior poderá superar, no seu conxunto, o custe da actividade conveniada

SEXTA.- PERSOAL

A subscrición do presente convenio non implicará relación laboral ou de calquera outra natureza entre as persoas ou profesionais que desenvolvan as actuacións contempladas neste convenio que constitúen o obxecto do mesmo, de tal xeito que, por este concepto, non se lle poderá esixir responsabilidade ningunha directa nin subsidiaria á S.A. de Xestión do Plan Xacobeo.

A Asociación, será a única responsable dos custos salariais, incluída a cotización empresarial á Seguridade Social por todos os conceptos.

SÉTIMA.- XUSTIFICACIÓN DO CONVENIO

A xustificación dos fondos efectuarase unha vez realizada a acción e constará de:

- Declaración responsable, expedida polo órgano competente, comprensiva das outras axudas percibidas ou solicitadas para este proxecto, se as houber, na que se indique entidade concédente, data e importe total concedido.
- Unha memoria explicativa da actividade realizada que acredite o cumprimento do obxecto do convenio.
- Facturas xustificativas dos gastos efectuados xunto coas transferencias bancarias ou outra documentación acreditativa do seu pagamento. No caso de tratarse de gastos



inferiores a 1.000 € poderá xustificarse o pagamento mediante recibo do provedor. A documentación xustificativa (facturas, etc.) corresponderá ao exercicio 2016

En todo caso, a cantidade máxima que se obriga a aportar a Sociedade, reducirase na mesma proporción que represente a cantidade xustificada respecto do orzamento total presentado.

Para estes efectos, considerarase gasto realizado o que foi efectivamente pagado con anterioridade á finalización do referido prazo de xustificación. Exceptúanse aqueles gastos cuxos pagamentos deban efectuarse nun momento posterior por axustarse aos calendarios de recadación, como os ingresos a conta do IRPF ou cotas por seguros sociais liquidables con posterioridade á data de xustificación. O importe destes ingresos ou cotas considerarase xustificado coa presentación do documento de gasto (factura ou documento equivalente) en que se reflicta o importe de retención ou cotizacións devengadas na data de xustificación. A Asociación quedará obrigada a presentar os documentos acreditativos da súa liquidación nos dez días seguintes ao remate dos prazos legalmente establecidos para o seu ingreso no período voluntario

Ao abeiro deste convenio poderán financiarse os gastos nos que tivese incorrido a Asociación, como consecuencia da realización de actuacións acordes co obxecto do convenio e que se teñan efectuado desde o 1 de xaneiro de 2016

A Sociedade reservarase o dereito a solicitar toda a documentación que se considere precisa en relación coa xustificación do obxecto do presente convenio.

OITAVA.- PAGOS ANTICIPADOS E PAGOS A CONTA

Non está previsto realizar abonos parciais polos custes das cantidades xustificadas.

NOVENA.- COMISIÓN DE SEGUIMIENTO

Para o bo desenvolvemento das actividades obxecto do convenio establecerase unha Comisión Mixta, integrada por representantes de cada unha das institucións á que corresponderá o seguimento, interpretación e avaliación das accións derivadas do presente convenio.

Por parte da S.A. de Xestión actuará como representante o Director-xerente ou persoa na que delegue

Por parte da Asociación como responsable desta comisión o Presidente ou persoa en que delegue

DÉCIMA.- MODIFICACIÓNS DO CONVENIO

As modificacións do convenio adoptaranse por acordo expreso e escrito das partes asinantes, e de acordo cos trámites que esixa a normativa vixente.

DÉCIMO PRIMEIRA.- NATUREZA XURÍDICA E XURISDICIÓN COMPETENTE

O presente convenio rexerase polo dereito privado, séndolle aplicable os principios de xestión contidos no artigo 5.2. da Lei 9/2007, do 13 de xuño, de subvencións de Galicia e os de información aos que fai referencia o artigo 16 do mesmo texto legal, así como os artigos do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia, que desenvolven ditos principios



de xestión e publicidade. O contido e efectos do presente convenio quedarán suxeitos ás normas do Dereito común.

As cuestións litixiosas xurdidas acerca da súa interpretación, modificación, resolución e efectos que non poidan ser resoltas no seo da comisión de seguimento e interpretación, serán sometidas á resolución da xurisdición competente dos Xulgados de Santiago de Compostela, renunciando as partes a calquera outro que lle puidera corresponder.

DÉCIMA SEGUNDA.- RESOLUCIÓN

Serán causas de resolución do presente convenio:

- O cumprimento do seu obxecto.
- O incumprimento total ou parcial de calquera das cláusulas que nel se establecen.
- O transcurso do tempo estipulado sen que se culminen as actividades acordadas.

DÉCIMO TERCEIRA.- PUBLICIDADE DO CONVENIO

A Asociación autoriza a publicidade dos datos relevantes deste convenio nos termos previstos na disposición adicional do Decreto 132/2006, do 27 de xullo, polo que se regulan os rexistros públicos creados nos artigos 44 e 45 da Lei 7/2005, do 29 de decembro, de orzamentos xerais da Comunidade Autónoma de Galicia para o ano 2006, así como no relativo á aplicación da Lei /2016, do 18 de xaneiro, de transparencia e o bo goberno da Administración Pública Galega, nos seus artigos 11 e 13.

Asemade procederase a inscrición do convenio no Rexistro de Convenios, de conformidade co establecido no artigo 5 do Decreto 126/2006, do 20 de xullo, polo que se regula o Rexistro de convenios da Xunta de Galicia.

DÉCIMO CUARTA.- VIXENCIA

O presente convenio estenderá a súa vixencia desde a data da súa sinatura ata o 30 de novembro de 2016.

E, en proba de conformidade, e previa á súa lectura, ambas as dúas partes firman dous exemplares do presente convenio, no lugar e data indicados no encabezamento.

S.A. de Xestión do Plan Xacobeo

Asociación Comunicadores do Camiño de
Santiago